

修羅無數一輪降

世間黑暗一日破

佛說眾許摩訶帝經卷第三

給三

西漢經書卷之三試為膜明教大師目 漢書奉 譯

尔時六欲天子及天帝釋觀見菩薩乘六牙

白象下兜率天處摩耶腹即降甘露守護母

腹清淨安隱而說偈言

我觀天子下閻浮

甘蔗王宮而受生

為利有情酬宿願

如日初出放光明

佛說眾許摩訶帝經卷第二

耽染

上甘下誘引上音遁去上徒因木簽下七

棲泊

西薄炙音挈苦結反措頤手託顯二音以

娉

反娶也羅紉下惠懷妊下而禁反戈和古

反敗

反辱也林巒下郎端反山苑囿阮上紆反

下于救反種樹赫怒上許客反稚戲上直利

澆占堯反沃也捉王尔上乃弭祢下乃禮反眾卉許

鬼反百華煥上惠瓜反下呼貫反劫造壯上楚

有娠身下音誕生上音戎事反兵而弓勝捷下才

宮嬪下音類裸形上玄互反赤體也給二

給二

佛說眾許摩訶帝經卷第三 給三 西漢經書卷之三試為膜明教大師目 漢書奉 譯 尔時摩賀摩耶作四種夢一夢白象口有六牙二夢白象從天來下入於腹中三夢自身上大高山四夢眾多豪貴大人俱來拜跪作是夢已即以上事告淨飯王王以此夢問其相師相師告王今此夫人必生太子具諸相好若在王宮作轉輪王若是出家修諸梵行成正等覺号天人師尔時菩薩降生之時大地震動放大光明眾生觀之歎未曾有帝釋天主護世四王各持刀劍繯索及弓箭等守護菩薩所有一切魔及非魔諸鬼神等而不能害如摩尼珠及迦葉迦寶所有一切穢惡塵垢而不能染菩薩之身亦復如是又令母身內外瑩淨猶如瑠璃能見菩薩色相諸根如彼水精貫五色線分明顯露又令母身氣力增盛無諸疾苦志意堅固受持五戒精進無犯離諸過失

尔時摩賀摩耶告淨飯王我於今日忽自思
飲四大海水王以是語問諸相師相師答言
摩賀摩耶必生太子具諸相好修無上道成
等正覺若不飲海水太子身相而不圓滿時
迦毗羅國有一人名囉羯多芻善解幻術王
即召至於正殿內化四大海水取此海水與
夫人飲飲此水已告於王曰所有一切牢獄
繫繫苦惱衆生請王赦免所有一切衣食貧
乏寒餒衆生願王布施如是種種作諸福業
尔時摩賀摩耶告淨飯王我今思於園苑住
止王即告彼酥鉢羅沒馱王汝女摩賀摩耶
樂任園苑酥鉢羅沒馱王即遣工人大興營
繕地位寬博樓觀華煥名龍弭祢園時摩賀
摩耶與諸官嬪同往園內見無憂樹芬芳茂
盛布葉開花即以右手攀彼樹枝欲生太子
觀諸人衆四邊圍繞示有慙色天主知己乃
作風雨令彼人衆四散馳走尔時天主復自
化身爲一老母在夫人前欲收太子是時太

子初出母胎身如金山如真金色令其老母
收捧不及太子告言放放橋尸迦我自出生
是時大地即大震動放大光明普照世間衆
生見之歎未曾有時淨飯王見斯祥瑞於太
子前旋繞三匝禮太子足歎言善哉善哉我
於今日生大丈夫福德之子令我長夜快得
善利尔時太子身相圓滿內外瑩淨猶如瑠
璃塵垢雜穢一切不著於其四方各行七步
東方表涅槃最上南方表利樂群生西方表
解脫生死北方表永斷輪迴時諸天人於虛
空中持白傘蓋覆菩薩頂又復諸天降二種
雨或冷或溫灌頂沐浴又復空中諸天及龍
作天伎樂雨曼多羅花優鉢羅花俱母那花
奔拏里迦花及雨沉香檀香末香多摩羅香
上妙衣服等尔時諸天於虛空中而說偈言
善生大年尼 百福莊嚴相 斷盡煩惱塵
而證無上覺 能於圓滿身 放大光明色
遍照於世間 一切愚癡暗

尔時天子說此偈已有四國王各生一子舍衛國阿羅拏王生一太子王思惟曰我子生時世界清淨湛然安隱立名鉢羅洗曩喻那王舍城摩訶鉢那王生一太子王思惟曰我子生時有大光明能照世間立名尾弭娑囉俱尸那城設多你迦王生一太子王思惟曰我子生時世界光明天地朗然立名烏那野曩焉惹你國阿難多你弭努王生一太子王思惟曰我子生時有大光明無諸幽暗立名鉢羅愈多如是王子皆是菩薩聖感來生復次去城不遠有一大山名緊使吉陀山中有一仙人名阿私陀恒處其山修持梵行給三時仙人有一外甥名曩羅那承事仙人求聞法要仙人即爲說善惡法因此出家菩薩生時有大光明照耀世間曩羅那見之驚疑不測即入菴中問其師曰今此光明照耀世間猶如聚日云何而來師曰今此光明如真金色清涼寂靜照於三界此是佛生之瑞曩羅

那告於師曰我今往彼禮拜菩薩仙人告言彼有大威德諸天龍神圍繞守護無能得見候佛世尊入迦毗羅國聞名之時汝可詣彼大得勝利復次菩薩生時有五百白象有五百從人同時而生地中寶藏自然出現天降甘露諸小國王並來慶賀尔時淨飯王見此祥瑞種種殊勝而自言曰我子降生具大吉祥能圓滿一切福德能成就一切善事應爲立号名一切義成復次迦毗羅城有夜叉神名舍迦嚩馱曩若諸衆生所有男女初生之後將詣神廟令拜夜叉求其守護時淨飯王亦令太子乘四寶車詣彼神祠將至廟庭夜叉出迎拜於車前淨飯王曰天神至尊禮重菩薩應爲立号名爲天子又釋衆等輩氣志剛強難以調伏見此菩薩身相端嚴威容和雅人天仰重即自迴心捨其憍慢情性柔順默然瞻仰因斯立

名名為寂默

尔時淨飯王告諭宮人與我勤力養育太子
依時乳哺洗浴莊嚴用心保愛不令失所我
子生時天降甘露相師視之有三十二大丈
夫相若復在家作轉輪王乃有金輪寶象寶
馬寶摩尼寶玉女寶主藏寶主兵寶如是七
寶悉皆具足千子圍繞甚為希有勇猛無畏
能破他冤尔時相師而說偈言

千輻金輪寶	轂輻相周圍	飛空行四方
須臾復本處	象寶最殊勝	白類於珂雪
巡遊瞻部洲	隨處而無導	馬寶足威勢
青頸世希有	常往虛空行	往來如風轉
最上摩尼寶	光照一由旬	如夜黑暗中
當天出明月	女寶世希有	微妙甚端嚴
親侍於輪王	能知所思事	藏寶大威德
能主世間寶	海中地下珍	王須即令現
主兵臣巨力	能使於四兵	象馬步兼車
所到無違背		

尔時淨飯王復問相師云何我子三十二相
相師荅言三十二相者一太子足下有千輻
輪紋轂輻輞三悉皆圓滿二太子手足皆悉
柔軟如兜羅綿三太子手足猶如鵝王而有
網鞵如真金色四太子手足諸指纖長五太
子足跟與跌相稱六太子足下平滿如合盃
底七太子雙脰漸次纖圓如金色鹿王脰八
太子雙臂修直如象王鼻垂手過膝九太子
陰相藏密不見亦如龍馬及其象王十太子
身諸毛孔各一毛生紺青旋轉十一太子髮
毛端直上靡嚴金色身眾所愛樂十二太子
身皮薄潤塵垢不著十三太子身皮金色光
曜如妙金臺眾寶莊嚴人天愛樂十四太子
手足掌中頸及兩肩七處充滿十五太子肩
頸殊妙一一圓滿十六太子雙腋之下一一
充實十七太子容儀廣大圓滿端嚴十八太
子身相修廣端正出過人天十九太子體相
周而圓滿量等諸聖施樹二十太子領臆身

之上半威容廣大如師子王二十一太子常有光明面各一尋二十二太子齒具四十齊平如雪淨密根深堅固不動二十三太子口有四牙鮮白鋒利二十四太子口中一切所食常得上味能正吞咽津液通流永離衆病身心適悅二十五太子舌相廣淨能覆面輪至髮際等二十六太子梵音洪雅其聲震響猶如天鼓言詞婉約如類伽音二十七太子眼睫作青紺色猶如牛玉不相雜亂二十八太子眼睛紺青鮮白紅環相間青白分明二十九太子面輪如天滿月三十太子眉相彎長如天帝弓三十一太子兩眉中間有白毫相右旋柔軟如兜羅綿鮮白光淨逾於珂雪三十二太子頂上有烏瑟膩沙金頂之骨高顯周圍亦如天蓋如是三十二大丈夫相於過去世無量百千萬億劫長時精進無間修習一切戒行及諸善法而無遺餘今得成就相好功德是故善薩生淨飯宮飯食衣服卧具

象馬一切珍寶無不具足眷屬熾盛王族不斷於人天中而無等等若不出家年二十二作金輪王

亦時摩訶摩耶生太子已七日命終生切利天受五欲樂亦時太子顏容端正人天目覩敬愛不足假使世間巧妙金師以金造像亦復不及譬如諸天半勢迦石有大光明照耀一切菩薩之身光明寂靜亦復如是又如蓮華開敷出水茁茁馨香一切有情見者愛樂菩薩之身見者恭敬亦復如是又此菩薩兩目清淨明明遠視見一由旬微細塵色過於天眼晝夜無異又此菩薩語言音聲美妙清響如頻伽音亦如雪山有其飛禽食於花水食已而醉發聲相呼其音和雅亦復如是亦時曩羅那仙告白本師阿私陀仙人我今往彼迦毗羅城禮拜善薩師言可往即與本師運神通力往迦毗羅城去城不遠善薩威制令彼失通步行至城詣淨飯宮時守門人

卅三

六

即以白王乃勅門人引令入內王相見已歡
喜無量請就林座獻闕伽水作樂設食種種
供養王即問言仙人云何因緣至此時阿私
陁白王我今欲見一切義成大牟尼師王言
今此太子正當睡眠且候須臾即得相見時
阿私陁請就牀帷臨視太子今時太子雖處
睡眠兩眼俱開目不瞬動時阿私陁即說偈言
諸天觀境時 觀物眼不瞬 菩薩雖睡眠
觀境亦如是

今時仙人說此偈已宮人乳母捧持太子奉
上仙人時阿私陁詳觀太子容貲非常即問
王言曾有相師來占相否大王白言有婆羅
門相此太子若不出家必得轉輪王位若能
出家定成正覺仙人聞已即說偈言
昔墮邪見外道身 今逢福德輪王子
能除煩惱證菩提 善說甚深法海藏
雖圓相好棄輪王 成大牟尼救群品
是故我今竭命禮 願得親近滅塵勞

今時仙人說此偈已審觀自身壽命長短得
見太子成佛事否如是觀已得見太子出彼
王城入於山野年二十九於其山中六年苦
行證甘露滅成無上道今時仙人復觀自身
值佛出世年命短促而不久遇其懷感傷不
覺失聲而自啼哭時淨飯王見仙人哭驚怪
異常即說偈言

若人有男女 愛憐心不足 如是福相殊
觀之恒適悅 仙人見太子 云何而啼哭
我子若驚怖 忽然生病惱 未委意云何
速爲我宣說

今時阿私陁仙人聞是偈已即白王言太子
不久即成正覺云何於身而有怖畏假使空
中降大金剛如彼真珠滿空而下不能侵彼
菩薩身之一毫世間所有一切大火而不能
燒一切大風而不能吹一切毒藥而不能損
刀劔弓箭而不能傷毒龍猛獸而不能害又
此菩薩於過去世行大慈悲於諸衆生未曾

捨離今彼有情常獲安隱云何菩薩有斯怖
 畏於虛空中恒有帝釋梵天王等而共守護
 我今啼哭自觀已身年命中夭於其佛世不
 得聽聞甚深法藏於其善財而無有分是故
 感傷而自啼泣請王無憂尔時阿私陀又復
 思惟我有神通甚甚威制令不顯現是故步
 行入於王宮今若出城而復疑步彼諸有情
 即起慢心大神通仙步出王城作是念已告
 淨飯王我今辭王出迦毗羅城與我修治四
 衢道路時淨飯王即勅有司修治道路去除
 砂礫穢惡之物以白檀香水灑地清淨處
 豎立幢幡瓔珞薩衆妙香王并諸臣長者居
 士恭敬圍繞出迦毗羅城送彼仙人時阿私
 陀辭國王已隨意前行往枳瑟計馱山即住
 山中修習禪定歲月不久復得神通於其後
 時身少有病服食良藥及花果等乃得除愈
 弟子告曰我今出家為求出世解脫甘露師
 有所得願賜告諭師曰我自修行歲月彌久

於斯甘露猶尚未得云何令我復為於汝今
 有淨飯王子名悉達多成等正覺得真甘露
 於彼出家一心梵行而求出離莫作族姓之
 相及我人相即得成就無為之法尔時阿私
 陀仙人即說偈言
 我住如是山 久修於梵行 雖復得神通
 而未飲甘露 自知身無常 恒處於生滅
 聚集假和合 即是無常法
 尔時仙人說此偈已曩羅那感師誨示禮拜
 供養即往波羅奈國見五百摩拏嚩迦婆羅
 門念園陀經知非究竟而不親近即往佛所
 希聞法要尔時曩羅那姓迦底丁也以姓為
 名佛為開示法要得寂滅樂乃名大迦底丁也
 復次太子在乳母懷執金器而食須臾食已
 乳母即收金器器重如山舉之不起即以上
 事具告於王王與官人同往取器亦不能舉
 即集國人同舉金器其器愈重復駕大象五
 百頭拽彼金器不能搖動金器少分何以故

由菩薩神力舉其左手一指鉤住金器令象盡力而不能動。爾時淨飯王乃自思惟：若菩薩舉其兩指鉤彼金器，假使百千大象亦不能動。由是菩薩有千象之力。若諸童子欲與菩薩聞戲，如小飛鵝比於大鶴，其力不等。復次菩薩在王宮時，與五百眷屬入學讀書。爾時本師將第一書令太子讀，太子告言：「此書我解其師乃令讀第二書。」太子見之，復白師云：「此書亦解。」於是本師即以五百種書授與太子。太子白言：「此五百種書我一一俱解。如有他書，即當與我師。」乃白言於其世間，只有此等五百種書。此外無有。爾時太子即自寫書令師讀之。師乃歎言：「我自昔來日未曾覩太子告曰：『此是梵書。』」時彼梵王知我當紹輪王之位，傳授於我，即以微妙梵音而自讀誦。時大梵天王於虛空中高聲讚言：「此是梵天之書。」師聞天證，深生信解。爾時太子舅氏娑捺梨復有一人名娑賀你。

噶此二人者善解弓射，有五百人親學其藝。又此二師互相言曰：「彼提婆達多其性麤惡，心多嫉妬，所有射法不宜告之。若或教授，必將害物。彼悉達多慈悲聰慧，利濟有情，堪當傳習。」如是弓射有其五種：一曰遠射，所發之箭能極遼遠；二曰聞聲射，聞其聲音即可射之；三曰中射，所發之箭隨意而中；四曰親的射，所發之箭而無踈闊，五斷物射，所射之物無不透斷。如是菩薩善解五射。爾時毗舍離城有一大象形相端正，具大勢力，彼國人眾咸共商議：「迦毗羅城淨飯大王有一太子名悉達多，相師視之，有轉輪王位，即馳此象而充貢獻，乃以珠璣珍寶種種嚴飾，將往迦毗羅城。」至王宮門時，提婆達多出門見象，詰問門人曰：「此象從何所來？」門人荅言：「毗舍離城聚落人眾為悉達多有轉輪王分，馳獻此象。時提婆達多聞是事，已心生嫉妬，告門人曰：『彼悉達多何有王位，即持器仗。」

殺象命終尔時難陀見此死象知為提婆嘆
怒所殺難陀欲與閉其勇力即執象尾以手
擲之象離本處七步之外時悉達多見其死
象離於本處知是難陀示威力故手執象尾
擲彼處故

尔時悉達多太子顯自威神以其一手執持
象尾向空而擲過七重城如投土塊時毗舍
離城獻象之者見悉達多有大力即說偈言
我等遠馳象 為獻於輪王 遇斯凶惡人
即時行殺害 難陀手執尾 擲象七步外
菩薩大威神 擲象如拋塊

佛說眾許摩訶帝經卷第三

給三

羅索上俱反瑩淨上于反羯多芻上居反寒餒下楚俱反
下正作犬反盤乃湛然上宅反不測下楚俱反神祠下詞音
罪反馘也也乃滅上宅反雪螺上白何反朝輪音同車也
廟馘輻谷福也二音珂雪螺見白色朝輪
網鞞下莫官反手根皮相織長上息足跟
根下音跌相稱下音夫查底上音廉也臚反臚反

腸紺青上古暗反上靡上免彼反腋音亦下領下音
臆上胡感反下音也吞咽下於見反津液下音
婉約上紆阮反眼睫下音彎長上紆還反苗
苦上胡感反開下徒反關伽上於動反目動反
驚怪下怪反履步上所綺反砂礫下音積瑟上居反
拽反羊列麓字初詰問反起責一土塊對反

二經同卷

佛說眾許摩訶帝經卷第四

佛說眾許摩訶帝經卷第五

佛說眾許摩訶帝經卷第四

西天譯經三藏聖教太子試鴻臚少明教太子法賢奉詔譯

尔時提婆達多手持弓箭出迦毗羅城而欲

教射悉達多太子知己與五百眷屬亦出國
城同為弓射時提婆達多即持弓箭遙射一
樹其樹中箭應弦而倒悉達多太子亦射一
樹箭力甚大樹雖兩斷儼然不動提婆達多
見樹如故疑箭不中白太子言常聞太子解
五種射法云何射樹而不能中如是言已帝